

寶目

集川

東睿山法叔
菩薩戒疏
明曠刪補

天台菩薩戒疏 WA8-8

01-001

国立国会図書館



活字版

善菩薩戒經疏

二冊

狩野氏印

第三〇號

天台菩薩戒疏

天台沙門明曠刪補本

草書滅法傳者須真

佛性常住教起從緣緣宜不同故義有廣略
 或引衆釋以顯異或破今古驗非圓或以綺
 飾引文才或存屬質成深致莫非為彰教旨
 四悉適時也今隨所欲直筆以文取捨有憑
 不違先見則以天台為宗骨以天宮之具緣
 補闕銷釋貴在扶文則諸家參取但自慮遺
 失豈敢呈露他人忽漏視聽之緣幸知源意
 矣善哉戒者運善之初章却惡之前陣聲聞

善菩薩戒疏

小行尚自敬本又大士兼懷寧不持戒
品故得蓮華藏界懸日月以照臨菩提樹
開世靈而濟乏千華千百億盧舍那為本身
十重四十八輕釋迦文為末化不可說法啓
心地於毛端不思議光舉身平於色頂於是
別圓大士之所同修八萬威儀聖賢以之齊
致況乃恒沙戒品圓三聚而統收具六位而
該攝既如因陀羅網同而不同似薩婆若海
異而非異等摩尼之雨寶普洽黎元譬瓔珞
以嚴身功成妙覺於是五位菩薩莫不賴此

因圓三卍如來無不由斯果滿既為道場之
直路只是正覺之良規大矣盛哉難得而言
者也題云梵網經盧舍那佛說菩薩心地十
重四十八輕戒品第十者梵則從人當體離
染為名網就喻彰功能立号意明諸佛對機
設教藥病多端知大梵王因心羅網故云梵
網經謂經教詮量分別常住佛性故名為經
盧舍那等者寶梁經翻稱為淨滿三惑頓盡
故名為淨尊德俱圓故稱為滿淨滿之智
覺覺他故云為佛八世宣吐名之為說菩薩

準者謂此戒法制範妙覺之前因此六士故
標菩薩菩薩律儀遍防三業心意為主與
攝言譬如大地含攝萬物故言心地十重等
者簡法異人禁法雖多不出經重兩類故云
十重四十八輕戒品第十者衆羅什法師所
述法相出自梵網經律藏品梵網大本一百
五十二卷六十一品唯第九品竟明菩薩心
地輕重律儀階位差別一品兩卷是彼之一
故云第十揔而言之梵網經盧舍那佛說菩
薩心地十重四十八輕戒品第十

將釋此文七門分別初明名體二明宗用三
明教攝四明受法五明傳譯六略料簡七隨
文解釋初又二初釋名次出體初釋名者戒
之一字也梵言尸羅亦云毗尼波羅提木叉
等此云清涼滅三惑之過保得解脫也今言
戒者能防三業止三惑非故得名也大而言
之不出四弘三聚成道知法身攝善法誓斷
煩惱攝律儀願度衆生即攝衆生況一一
誓三聚具足况一一戒備此三心如持不殺
止惡不生治

雖深則攝律儀法身也制

行善等知。雖具威。自存即攝。此報身
因也。止惡行善。慈悲為本。四悉利物。即攝此
此。身因也。此三聚戒。依大智度論。義通十
種。一不缺。謂持十善性戒。乃至十重。若毀缺
者。無堪受用。二不破。三不穿。即四十八輕。若
毀犯者。如器破裂及穿漏也。四不雜念。即欲
念不起也。五隨道。六無著。謂見真諦。理離三
界內見思惑也。七智所讚。八自在。此約菩薩
利他為智人所讚。九隨定。十具足。約證中道
首楞嚴禪不起滅定。現威儀。示十界身隨形。

化物也。此之十種禁防。三業通得名。戒軌運
身心至涅槃岸。又揔名乘。故有人天等五乘
差別。今之所持約事。達理一刹那心。十戒具
足。事持前四。因緣為境。理持後六。多境佛性
中道常住體。唯一心具含。凡聖依正因果。雖
具而空。無非法界名之為觀。即一心三觀。空
觀觀性真諦。持於道共。無差別戒具。即假觀
觀性。空諦持於智讚。自在兩戒法界佛性。即
是中觀觀性中道第一義諦。持於隨定。具足
兩戒。故中論云。因緣生法。先空。此是空亦

名爲假名亦具不道義境智俱心能所冥一
一而不一四六宛然即約名字觀行位初具
持十戒名爲菩薩次出體者初發圓心從師
請受身口剋誠名爲作戒色心爲體三羯磨
竟納法居懷作休謝往訖乎未來名無作戒
唯實相心以之爲體故瓔珞經云一切凡聖
戒盡以心爲體心無盡故戒亦無盡諸大乘
經無第三聚不同聲聞律儀非色非心以爲
戒體

二明宗用者先宗次用所言宗者要也趣也

從始至末依體護持趣期圓果名爲宗也次
明用者身佩聖法美德外彰威儀行成清嚴
軌範肅然可畏制御三惑使物歸信故名爲
用

三明教攝者釋尊一化示身說法有始有終
四種差別謂三藏教通教別教圓教三藏具
如俱舍婆沙聲聞階位七賢七聖等殊緣覺
則有值佛不值佛等差別菩薩則三祇百劫
修相好因並同一毗尼毗曇修多羅三華之
學乃至菩提樹下一念相應三十四心斷界

內見思正習俱盡名之為佛同僧布薩無別
菩薩律儀故法華經云不親近小乘三藏學
者而得三藏之名即劣應身鹿苑示成丈六
金容乃至方等會中小機所老比丘像是其
佛也

二通教者如方等般若明三乘人共行十地

一乾慧地凡外二性地凡內三八人地四見地出不

觀共斷見惑與五薄地三人同斷欲界六品

三藏初果齊六離欲地與斷欲界九品思惑七已辨地界斷三

思盡與三八支佛地福德深利九菩薩地從

出假侵小習氣及界內十佛地一念相應習

無知學佛十力等法此等十地前無住行向名後無等覺妙

齊佛也覺位三人因果大同名為通教示勝應身魏

魏堂堂如星中月即通佛相也菩薩亦同聲

間律儀

三別教者如瓔珞仁王等經明五十二位地

前屬凡名賢登地屬聖或云七地入無功用

十倍數進數退名為外凡十住入空而斷見

思及斷界外上品塵沙十行出假斷中品塵

沙遍知四教十界藥病十迴向位斷下品塵

沙向後修中伏外界無明一分纔落即入
地八相成道因果迢遞劫數叵量觀行歷別
別前別後故名爲別示成報身即其相也
四圓教者圓信三障即是三德報障即法身
煩惱即般若結業即解脫依信起行三觀圓
修刹那無間名初隨喜品第二受持讀誦第
三解說書寫第四兼行六度第五具行六度
委如法華此五品弟子圓伏無明即外凡位
十信之位見思先落故仁王經云十善菩薩
發大心長別三界苦輪海即內凡位與別教

十住及藏通佛齊十信後心破於界外一品
無明入初住位圓成八相如花嚴所辨與別
初地功用一齊始終揔破四十二品界外無
明方成妙覺別而不別妙理無二故名爲圓
土根一生有入初住之義此之四教約於五
時有多有少華嚴圓教兼別鹿苑但一三藏
方等對半明滿四教具足諸部般若帶半明
滿通別圓三今此戒經結華嚴會即別圓教
輕重頓制菩薩律儀法華正明佛意卷攬歸
實唯一圓乘人法俱開依正無二故云我

在此娑婆世界汝等所行是菩薩道五佛
令一切衆生開示悟入佛之知見涅槃雖明
四教爲息權機扶律顯常一一莫不皆聞佛
性故二經同味故並譬醍醐今從佛意圓教
消釋

四明受法者謹依瓔珞地持高昌等文揔作
一十二門分別

第一開悟第二三歸第三請師第四懺悔第
五發心第六示相問遮第七授戒第八證明
第九現相第十陳持犯第十一明廣願第十

二教持戒

第一開悟者夫戒德難量功高萬像爲九乘
之軌筏運三寶之舟航是故經云一切衆生
因戒而有故薩遮經云若不持戒者尚不得
野干之身況功德之身又華嚴云戒是無上
菩提本應當具足持禁戒涅槃經云若持是
經而不持戒名魔眷屬非我弟子我亦不聽
受持是經又月燈三昧經云雖有色族及多
聞若無戒智猶禽獸雖處卑下少聞見能持
淨戒名勝士且戒有多途五八十具剋論

報隨受者心今菩薩戒報圓佛果相好無邊
三達五眼十力無畏一切功德既發大心即
上品心受菩薩戒菩薩戒者則五十一位圓
菩薩乘之律儀也所以經云邊方中國若人
非人解法師語盡皆得受須人人正信發志
誠心諸佛究竟證圓四德居常寂光於法身
地起無緣慈等念群生猶如赤子我等愚冥
日用莫知三界輪環四生沉溺唯圓妙覺究
盡無明故發圓心而希圓行知因感果驚覺
常情故名開悟已開悟竟

第二歸依三寶略明三種三寶為所歸依一
住持二別相三一體一住持三寶者人能弘
道萬代之所流傳道藉人弘三寶於斯常住
則剃髮染衣為僧寶黃卷赤軸為法寶泥木
素像為佛寶二明別相三寶者十方三世法
報應化為佛寶所說法門為法寶除妙覺外
菩薩二乘為僧寶三一體三寶者實相圓理
名為一體即一而三無非秘藏如世珍奇故
通名寶行者心體覺知名佛性體離念名法
心體無諱名僧凡聖始終此三具足佛已修

已證應物現形別相住持功由一體我等理
是如冰在水若欲融冰善須方便擬趣佛果
非修不成今始覺知正向此三為歸依處教
言弟子某甲等願從今身盡未來際歸依佛
兩足尊歸依法離欲尊歸依僧眾中尊三弟
子某甲等願從今身盡未來際歸依佛竟歸
依法竟歸依僧竟說三從今已往稱佛為師更
不歸依餘邪魔外道唯願三寶慈悲攝受哀
愍故禮三寶受三歸竟
第三請師凡為師者應具五德一堅持淨戒

二年滿十薦三善解律藏四師師相授五定
慧窮玄師應教言弟子某甲等今從大德求
受菩薩戒唯願大德於我不憚勞苦慈愍故
三次請和上弟子某甲等奉請釋迦如來應
正等覺為和上我依和上故得受菩薩戒慈
愍故禮一拜文殊師利為羯磨阿闍梨彌勒菩
薩為教授師一切如來應正等覺為尊證一
切菩薩摩訶薩為同學等侶詞前次應教乞
戒云大德今正是時願與我授菩薩戒次戒
師應起為白諸佛唱言仰稽首十方一切諸

佛及大地諸菩薩僧此諸菩薩求我某甲欲
從諸佛菩薩僧乞受菩薩戒此諸菩薩已是
真實能生深信成菩提願唯願諸佛憐愍故
施與菩薩戒三說請聖為師為證明竟十方諸
佛神通道眼皆見聞我如對目前向之懺悔
第四懺悔者夫戒是自淨之法身器清淨乃
可堪受故先教懺悔洗滌身心如浣故衣方
受染色然如來示滅向二千年正法沈淪邪
風廣扇衆生等薄福生遇此時縱有聽聞莫
能信受良由惑障深重見執堅強若不改性

從來罪無由滅若罪不滅戒不發故解脫難
期然懺悔法有其三品上品懺者舉身投地
如大山崩毛孔流血中品懺者自露所犯悲
泣流淚下品懺者隨師口言陳前罪咎今請
十方諸佛諸大菩薩而作證明諸佛菩薩大
悲弘誓欲令衆生如佛無異然須行者三業
清淨方可得戒如請大王先須莊嚴舍宅亦
如濁水日輪不現三世諸佛皆因此戒而得
菩提故須先運逆順十心為懺悔本師應教
言弟子某甲等與法界衆生仰稽首十方盡

虛空界一切三寶釋迦牟尼當來彌勒十二
分教真如藏海諸大菩薩緣覺聲聞證明弟
子披心懺悔從無始來至于今日縱身口意
內計人我外加惡友具造十惡五逆四重毀
謗正法一闡提罪殺害父母殺阿羅漢破和
合僧約佛在世別行出佛身血壞和合僧焚
燒經像身四威儀損傷含識盜三寶物及餘
趣財顛倒邪淫汗染梵行誑惑三寶欺詐一
切食噉血肉無慈愍心或食五辛薰穢三寶
飲酒狂亂破壞善法侵僧鬘物打罵呵責出

家在家持戒破戒或奪袈裟逼令還俗策伎
駭使或斷命根不隨喜他一毫之善唯遍三
業廣造衆罪事雖不普惡心遍布晝夜相續
無有間斷覆諱過失不欲人知魯扈戾突不
怖惡道無慚無愧撥無因果作一闡提故於
今日對十方佛深信因果生重慚愧生重怖
畏發露懺悔斷相續心發菩提心斷惡修善
勤策三業翻昔重過隨喜凡聖一毫之善念
十方佛有大福慧知一切法本性空寂能拔
我等一切衆生從二死海置三德岸唯願三

寶慈悲證明 懺悔既竟身器清淨堪盛法
食

第五發心言發心者發菩提心菩提梵音此
翻為道道心語通今依圓佛發圓道心圓道
心者我心佛心及衆生心三無差別理雖無
別事證天殊故學佛慈悲發佛弘誓滅惡生
善功唯菩提如師子筋絃遍聞一切生於衆
善如那羅延箭貫徹鐵圍遍滅衆惡故密藏
經云滅重重十惡發權道心畢竟無餘況發
圓心諸發之最無發而發遍法界發名圓發

一者衆生無邊誓願度度十界衆生故二者
煩惱無數誓願斷斷十界三惑故三者法門
無盡誓願知即惑成智故四者佛道無上誓
願成即生成滅故此之四心諸佛之種紹三
寶位一切諸佛等證三身無不因此一發之
後訖至涅槃誓無退轉又有四心菩薩須發
一觀衆生如佛二如國王三如父母四如大
衆汝等能發此心不能既已發心
次問遮相相即三聚遮謂七遮言三聚者瓔
珞經云攝律儀戒謂十波羅蜜即止惡也攝

善法戒謂八萬四千法門即行善也饒益有情戒謂慈悲喜捨利樂有情已知戒相復發道心懺除罪垢堪得受戒若有七遮不在受限懺亦不滅我今問汝當隨實答汝不出佛身血不^答二不殺父不三不殺母不四不殺和上不五不殺阿闍梨不六不破羯磨轉法輪僧不七不殺聖人^{謂證四果並答無}若無七遮堪得受戒起深重心專注諦聽莫生異緣今正是得戒之時必須剋心傾仰於師如完器承物莫餘思想已問遮相

第七授戒汝等諦聽汝今於我所求受一切菩薩淨戒求受一切菩薩學處所謂攝律儀戒攝善法戒饒益有情戒此等淨戒此諸學處過去一切菩薩已受解已行成未來一切菩薩當受當解當行當成現在一切菩薩今受今學今解今行當來作佛汝等從今身盡未來際於其中間不得犯能持不^{三說三問三答}第一遍竟時十方世界妙善戒法注於汝等身心第二遍時此妙戒法測塞虛空雲集頂上^{次說}第二遍竟更說一遍即入仁等身心

清淨滿足勿餘慮然此戒法無有形色流
注仁等身心不覺不知向有形色猶如天崩
地裂之聲次說第三羯磨竟已具戒法即是
菩薩大經云發心畢竟二不別如是二心前
心難云已得戒竟

第八證明相弟子衆等仰稽首十方盡虛空
遍法界一切諸佛諸大菩薩此娑婆世界南
瞻部洲人主地大唐國某洲縣某寺僧伽藍
佛像前有衆多佛子今於我所受菩薩戒竟
我已作證明唯願諸佛諸大菩薩慈悲亦爲

作證明三說已證明竟

第九現相若上品心受得戒時十方佛前有
種種相涼風異香異聲光明彼彼菩薩問彼
彼佛何因緣故有此相彼佛答言此相現去
某方某處有衆多菩薩於某師所三說受菩
薩戒竟今請證明有此相現彼彼菩薩咸生
歡喜各各皆言如是等極惡之處具足煩惱
惡業衆生能發如此極勝之心受菩薩戒甚
爲希有深生憐愍於汝等所起堅固梵行之
心誠應志心護持不惜身命勿使毀犯

第十廣陳持犯如下消釋且示十重若諸菩薩已於戒師所三說受菩薩戒竟若自殺人若教他殺人非真菩薩假名菩薩無慚無愧犯波羅夷報墮地獄不如意處汝等從今身盡未來際於其中間不得犯能持不能盜錢滿五姪大妄語酤酒與人說於菩薩聲聞四衆名德之過自讚已功毀他高勝罵辱乞者慳法慳財瞋上中境不受懺悔對衆謗毀大乘三寶若自謗若教人謗詞前句已明持犯第十一教發廣願上明發心四弘願受律

儀戒名爲起行今更摠別重發願迴因向果迴已與他成菩薩之德弟子某甲等願以已受戒所生功德迴施法界衆生未離苦者願令離苦未得樂者願令得樂未發菩提心者願令發菩提心未斷惡修善者願斷惡修善未成佛者願早成佛又以如是懺悔受戒所生功德願共一切衆生捨此身已生極樂世界彌陀佛前悟無生忍得大神通遊歷十方奉事諸佛恒聞無上大乘法諸佛行願圓滿具足又以此受戒懺悔所生功德願共一

切眾生從今身已往永離三惡身永離下賤
身永離不自在常於佛法中清淨出家精
修梵行為一切眾生作大善知識又願一切
眾生聞我名者發菩提心見我形者斷惡修
善聞我說者得大智慧知我心者早得成佛
發願已禮三寶已發願竟

第十二教持戒令誦戒本有所不戒解一一
銷通念佛誦經思惟修集具如下文隨戒消
釋

五明傳譯時代者即大秦弘始三年有西國

三藏鳩摩羅什此云童壽來達漢境光顯大
乘匡維聖教於逍遙園或云於草堂寺傳譯經論三
百餘卷五十餘部梵網一本第十心地最後
誦出兩卷成文上卷明菩薩階位下卷明菩
薩律儀纔翻譯訖于時沙門慧融道祥等八
百餘人請從受戒融等筆授咸同誦持仍於
下卷偈頌之後獨為一軸自云此等戒相出
自梵網經律藏品內盧舍那佛為妙海王及
王千子授菩薩戒法

第六料簡者問無作戒體唯實相心緣體護

持因果宗趣亦唯實相如何差別答體是宗
家之宗不即不離譬如屋空與梁柱等空譬
於體梁等譬宗不即不離思之可見應知體
是能持能領之心相宗是所持所領之戒法
問涅槃篇聚並是別教菩薩律儀云何而言
此菩薩戒別圓菩薩同稟答別教菩薩行布
而修四教法門無不行學故涅槃次第五行
軌範別教之人初心厭世出家白四羯磨先
稟藏通律儀禁防三業故先明篇聚乃至十
戒五支名戒聖行豈非漸具十重四十八輕

故知此二義通別圓菩薩毗尼之藏問若尔
教利根有入別圓之義亦應有此律儀之分
答且約當教鉅根未稟佛性之戒同依三藏
律儀利根被接入於別圓還從能接名別圓
人或有接入之義故四教外別立位名問聲
聞制於身口菩薩唯制於心云何三藏三乘
同稟五篇七聚答大小律儀俱制三業自行
化他之異故得大小乘名小戒若不制心方
便蘭吉從何而立菩薩雖云刹那造罪殃墜
無間但云刹那為無間因十重四十八輕莫

不皆從口具緣而結況三藏菩薩是彼小中之大對此料簡殊不相應問如前十戒乘戒互通如何取別答制教所明從禁惡邊而得戒名化教所明從修禪學慧而立乘稱此則別也若其通者三學相須如目足並能運載所趣之處通得名乘並有斷惡之能十揔名戒今菩薩戒三義互通從制止惡名之爲戒從制起行常住慈悲則是乘也故一一戒乘戒具足戒即法身乘即般若乘戒不二慈悲應化即是解脫解脫德假觀爲因應身爲

果般若德空觀爲因報身爲果法身德中觀爲因法身爲果故知戒戒三聚互融三觀三身相即三聚三身既無優劣四十八輕十重等持心性寧有淺深假分乘戒兩名一一無非實相方是圓融菩薩戒也故序中云一切色心是情是心皆入佛性戒中言可驗矣不別而別輕重宛然止惡爲正文廣起觀是傍語略從多從正律儀防禁三業義邊名菩薩戒

第七隨事依文銷釋梵網大本彼文銷釋梵

綱六本從之一品是正說今乃義開以為
三段從借初訖長行清淨者為序次從佛告
下訖現在諸菩薩今誦為正說此下盡卷即
第三勸說流通就初序為二初借頌明舍那
發起次長行明釋迦勸發初文又四戒三勸
四戒者一舍那二釋迦三菩薩四衆生三勸
者一勸受二勸持三勸誦此之四戒得之有
由根本傳授得記成佛所以勸受受已須持
持已須誦使佛種不斷初十一行半借為三
初三行三句明舍那說戒傳授釋迦次是時

下三行三句明釋迦迹佛授諸菩薩菩薩授
諸衆生三從諦聽下盡借明勸信受持此之
三序悉是釋迦所說雜有經家之辭初為二
初二行半明本迹次一行一句明人法初又
三初半行明舍那本身次一行半明釋迦迹
化三半行摠結本迹初文者上句明舍那本
身下句明舍那本土此即依正兩報初言我
今等者常樂我淨四德之我也經云無我法
中有真我謂報身如來智斷俱圓四德究竟
名為淨相舉一攝三故云我今等攝論明報

身有二一自受用報謂稱法界實成依正無
尋唯佛獨居妙覺同類自能相見二他受用
報為地上菩薩於實報土現身說法令彼見
之此自他報身逗行布教曆別之機勝劣兩
應逗藏通機報應二身以法身為本言法身
者毗盧遮那此云遍一切處機應咸圓猶如
虛空無擇時處一三相即舉一具三言不累
舒隨機別顯故標報身及明主伴下句明依
報言方坐等者方者正也安住正法處在蓮
華臺故云坐也言蓮華者如來所感蓮華此

界世界之下蓮華為臺名蓮華臺故華嚴經
云華擎十世界所表有二一表舍那處穢不
染二表因能感果蓮華四類人中蓮華十葉
已上天上蓮華百葉已上菩薩蓮華千葉已
上妙覺蓮華量等法界一一互融可謂依正
二報圓滿又云華藏者體能包含十方法界
十方法界現一塵中猶如帝網重重無盡不
橫不豎出過思議之表故名花藏次周匝下
明釋迦迹化望千百億國釋迦則千釋迦為
本千百迹成兩重本迹若望法華並迹

中本迹於中又三初明迹中之本二明迹中之迹三明本之與迹皆成佛道初言千華上者亦言千葉現千釋迦一華一佛三千大千世界故有千佛淨土此即二住明分身也初住分身百佛世界二住十倍華嚴二住已去多明別義故於二住辨圓成相後後之位身土叵量次明迹中之迹初句舉一華一佛主百億國國者是一四天下之名也所以一三千大千世界小千有一千四天下中千具千千千千即十億大千千倍即有萬億四天下

等經云百億即小數萬萬億億有百百大數百百為百故云百億於萬億國萬億南洲各一釋迦故云一國一釋迦第三文者萬億南洲菩提樹下一釋迦與一華一釋迦同時成佛千佛世界揔有一千箇萬億釋迦與千釋迦放光互照華臺名舍那華葉名釋迦釋迦為伴舍那為主伴相關受法王職同時成佛故云各坐等如是下第三結初句結迹身次句結本身明千釋迦及千箇百億釋迦並以舍那為本故云如是等千百億下第二明

人法於中又二初明人次約法初文三句初
明能化之主次明所化之機第三明能化所
化俱詣本佛故云至我所我所即舍那也聽
我下第二約法為二初句誠聽此戒是十方
三世諸佛之法只得稱誦不云說也甘露門
者第二歎戒功能甘露是諸天不死之藥譬
因此戒得至涅槃四德之理甘露家門名甘
露門門以能通為義教能通理故也是時下
第二釋迦迹佛傳授菩薩菩薩授諸眾生於
中又三初明經家叙釋迦傳授之緣次明釋

迦傳授諸菩薩三勸菩薩授諸眾生初文三
初出戒相重輕之數次戒如下歎戒功用三
微塵下勸菩薩受持初文前三句叙千百億
各還本位次兩句叙誦本戒謂此戒法諸佛
所師故云本師戒也次歎戒用中律儀戒能
圓止三惑之惡譬日月破暗善法戒能圓修
三觀之善譬日月照明饒益有情戒止觀兼
具能嚴法身如瓔珞珠是故經云老少中年
服常好故第三勸菩薩受持為二初兩句摠
舉功詎次兩句正勸餘二如入諦聽下勸信

受持為三初明所誦之法次八教下勸信受
持三大衆下結勸初言戒藏者此戒多舍三
聚萬善故名為藏別別解脫從果立稱云波
羅提木又木又解脫此彼音異也次勸人信
受又三初勸信次一切下勸受攝即受也三
衆生舉位釋結勸之意言即入佛位者一切
衆生皆有佛性依性發心受三聚戒稟佛戒
法名入佛位故大經云學大乘者雖是肉眼
名為佛眼初二句明同方便位次二句明同
證真位佛位名通有真有似始終名字觀行

相似一念證中得法身本初阿後荼分證大
覺名真佛子故身子得記入圓初住乃云真
子從佛口生從法化生故云位同大覺已真
是諸佛子

尔時下第二釋迦序為二初經家叙次釋迦
自說初又三初叙佛欲結戒次叙放光表瑞
三大衆願聞初又四初舉時標出化主尔時
者當尔之時也謂是迹佛從本佛舍那受旨
迴時故云尔時釋迦姓也此云能仁牟尼者
名也此云寂然身口意滿也

初坐下第二處即菩提
成道道與菩提彼此音異在摩竭陀國於此
樹下有金剛座賢劫千佛皆坐此座而得菩
提今釋迦主伴迹示新證故云初坐等成無
上覺者

第三明得道謂華嚴會示現初成爲大根性
結菩薩戒故華嚴云於菩提場始成正覺名
号品云舍那迹名釋迦牟尼若小機所見鹿
苑初成後乃因事制於篇聚釋迦名同初成
見別今辨異彼故下文云初結菩薩波羅提

木义初結下第四出所結之法於中爲四初
標名次孝順下明能成勝因三孝順至道下
明能成勝果四孝名下結異名初文言初結
者十地論云佛成道後第二七日也次文言
孝順等孝謂志心敬養順謂隨從尊命從誰
孝順略舉三境一父母生育恩二師僧訓道
恩三三寶救護恩言父母者過現曾生養育
於我輪迴六道並是父母爲是義故起無緣
慈悲竭誠敬養令發道心按苦與樂二師僧
恩者如上闍梨並名師僧一名力生道力

由成故闍梨名正行紀正也故故書云非
父母以無生非師長無以成非君王無以榮
民生在三事之如一今闍梨和上三學訓誨
三身由此生匠導始末三德由是而成自行
化他光顯聖旨住持佛日名稱普聞入位證
極功歸師友如此榮益遍於法界體等虛空
豈同世榮一界一國而已故知師僧能生能
成能榮三事具足自非緣理持戒三聚為心
以法供養為上為最餘焉能報一句之澤三
三寶者三世如來自證常樂垂形十界俯遂

機緣夙夜惟念破惑授記宜五味法極濟無
邊張八教綱為種焚脫流通永劫由菩薩僧
或實或權本迹難測為大為小匡輔法王像
末邊方感遇遺風一經於耳千劫不朽況思
惟修習解脫良因豈非三寶之力故須學佛
慈悲行菩薩行名孝順三寶問僧寶與前師
僧何別荅師僧各寬體狹局我所承僧寶名
體俱寬該通三世云
第三能成勝果中孝順至道等謂順極道之
法也第四會異名言行此等順教無違名

為持戒故言其名。戒戒能制御三業止滅諸惡故云亦名制止佛即下第二放光表瑞將說此戒放金光以為表兆驚覺常情令眾集故是時下第三叙眾集願聞為三初揔標次諸菩薩下列名三合掌下揔結願聞初如文次列名中初菩薩者道心眾生也次色天三六欲天四人王初言十八梵者色界四禪揔十八天初禪三天一梵眾謂梵民二梵輔謂梵臣三梵王謂梵主二禪三天一少光身光少故二無量光光量多故三極光光體遍故第三禪三天一少淨

二無量淨三遍淨釋例之上第四禪九天一無雲下地有雲上地無雲名無雲二福生勝福往生也三廣果勝福感果廣果四無想修無心定因生彼天故次五淨居天離欲煩惑名淨淨身所止曰居一無繫初離離故二無熱離於下地無繁二無熱煩惱熱故三善現果德易顯故四善見漸見清微故五色究竟亦名大自在五淨之極故正理云過此淨居有天名大自在初地菩薩而化於彼六欲天者一四天王天二忉利天亦三十三夜摩天此云時小四兜率陀天此云知足五化樂天六他化自在天十六大國王者一光伽

二鹿竭三迦尸四薩羅五跋祇六未羅七
支提八跋沙九樓居十槃闍十一阿濕波十
二婆蹉十三蘊羅婆十四乾陀羅十五劔淨
沙十六阿梨提西土諸國甚多略列十六大
國王也問諸經集衆或有來不此義云何荅
聞法由乘急人天持戒資乘戒俱急以人天
身值佛聞法乘急戒緩爲餘趣身值佛聞法
戒急乘緩雖生人天不見佛不聞法乘戒俱
緩報生餘趣又不聞法乘有大小信法不同
戒有三品受報優劣故使諸經明同聞衆多

少差別云云

合掌下第四摠結時衆願聞可見佛告下第
二釋迦自說又三初明自誦二釋放光三勸
受學此三各二初文二者初舉自誦汝等下
第二勸化言一切發心者通舉博地初發圓
心稟受此戒即須誦持外凡之初名字位中
故言一切發心越却外凡五品弟子及十信
位超取十住已上諸位故云乃至十住初聞
妙理故云發趣次入十行增修善根名爲長
養十迴向位堅修善根名爲金剛金剛後心

所依轉勝故名十地文從真位不云十信今
略列名令知圓乘諸位始末言十信者十心
之中以信為本故言十信一信二念三進四
慧五定六不退七迴向八護法九戒十願始
從名字外凡五品無不具十三惑全在未得
十名此之十心一一皆十故瓔珞經云一信
有十十信有百百法為本故一一位皆言十
也乃至妙覺名異義同十法皆大轉名十大
即是位位用於十法成一圓教菩薩大乘此
即法華大車之義一其車高廣譬觀妙理三

德佛性為不思議境即入信心二張設幃蓋
譬無緣慈悲拔苦與樂即入念心三安置丹
枕譬止惡行善安心定慧即入進心四其疾
如風譬明達之慧圓破三惑即入慧心五車
外枕譬識持犯通塞即入定心六有大白牛
譬道品調適正語正見入不退心七又多僕
從譬於起誓對治助開入迴向心八遊於四
方譬知次位十發趣等入護法心九自在無
礙譬安忍外凡違順名利即入戒心十直至
道場譬離十信法樂令至發趣即入願心一

信有十信一法有十法一信既尔餘九准知
次明十住位中十發趣心依梵網列名一捨
謂三因開發證平等理即是第一觀不思議
境二起大慈悲持三聚戒三忍即第三巧安
止觀自利利他四進即第四破法遍五定即
第五知通塞六慧即第六道品調適七願即
第七對治助開皆由願力八護法即第八識
次位使法不盪九喜即第九安忍違順由法
界喜故十頂即第十離中道法愛居九心之
頂十行位中十長養者慈悲喜捨施好語利

益同及定慧善觀妙境入無緣慈發無作弘
誓入大悲心善巧安心稱法界喜名爲喜心
緣性破法三惑俱遍名爲捨心於苦集等事
達道滅等理名識通塞即入施心無作道品
善能調停正語業命名好語心以偏助圓名
利益心八知次位不同而同圓理無二名爲
同心安忍違順稱稱楞嚴定不著法愛名中
道慧十迴向位十金剛者一信二念三迴向
四達五圓直六不退七大乘八無相九慧十
不壞圓智觀境名爲信心堅固慈悲名爲念

心法界故名迴向圓體三惑名爲達心於塞
得通名圓直心道品趣前名不退心正助合
行皆摩訶衍名大乘心緣理辨位名無想心
堅固安忍名爲慧心法愛無著名不壞心言
十地者一體性平等地境智不二也二體性
善慧地緣理發心也三體性光明地巧用止
觀名光明也四體性介焰地圓破法遍如焰
憔悴五體性慧照地善知通塞也六體性華
光地因中道品名爲華光七體性滿足地正
助無闕也八體性佛孔地決定分別次位無

盪九體性華嚴地安忍違順身心端美如華
莊嚴也十體性入佛境界地離真法愛心更
一轉入等妙覺名佛境界故佛十法而得大
名一觀不思議境名爲理大二發慈悲心名
誓願大三巧安定慧名莊嚴大四破法遍名
智斷大五識通塞名遍知大六道品調適名
爲道大七對治助開名爲用大八識次位名
權實大九能安忍名利益大十無法愛名無
生大故知圓乘十法始終自他具足御車達
到猶名爲車是故諸位菩薩皆誦問上釋十

法對名不同者何答一法具十法法互融隨
義轉釋無得定執問華嚴經云初住菩薩得
法身本分身百界像供佛利生諸位功德無
不具足後後之位何所以耶答言具足者分
具足也如燈照暗暗多燈多初燈雖明寧及
後後是故下第二釋光明二者初直標次有
緣下列因緣之相初言戒光者戒能破惑故
聲光為表次文又二初歎體德次舉宗趣初
言有緣等者緣因即聖應機應相關致戒光
緣理而誦實理無作故非青等故妙經云知

法常無性佛種從緣起是故說一乘戒體無
盡故云光炎此之戒體凡聖一如故勸大衆
受持誦學問上釋戒體云實相心今言非心
如何得同答實相之心不同頑礙故云非色
不同受等妄情分別故云非心不同六道之
有不同二乘之無故云非有非無理且始終
故云非因非果從迷辨異是故云非從悟本
同心等俱是不即不離妙在其中妙心實相
雙非一切以為戒體雙照一切名宗名用
次諸佛子下舉宗趣中言誦佛子等者諸佛

舉極果菩薩約真因即初住已上等覺已還
大衆者揔該內外凡也略舉此三修之與極
分分定慧而成立者由戒爲本本且初後即
宗趣也是故下第三勸學二者初勸受持誦
學佛子下第二釋出勸意初言受持等者受
謂受戒三業領納名受順受防護名持對文
宜唱名讀背文通利名誦修集義理名學次
文先誡聽若受等者列受等衆舉一攝諸故
但云受具足應云若受持讀誦善學佛戒者
等國王者小曰邦大曰國三陽並列像乾道

以成三一氣中表聖人之得一故易云君王
得一以治天下一能三所謂三才即天地
人以一貫三云國王也王之所生故云王子
百官者惣舉諸官全數是故云百如云百姓
非即百人而已宰相者輔王論道經緯國事
協理陰陽宰主之相故名宰相比丘者此云
勤事男比丘尼此云勤事女從小入大二衆
通須無色無身但列欲色非前後類並名庶
民民者人也生等五種皇家掌門名爲黃門
欲界男女通有貪婬此舉最多乃至街賣云

姪男女古因犯罪身屬於人以為賤役名為
奴婢八部者一天二龍三夜叉四乾闥婆五
阿脩羅六迦樓羅七緊那羅八摩睺羅伽摩
睺羅伽頭上有角餘分同人非人鬼道之中
變通勝者曰神中下之類名鬼善神之類金
剛密跡名金剛神雖是大權菩薩示為亦須
引實受三聚淨戒諸天龍等現身為人受菩
薩戒名變化人利根畜生解人語者亦得受
戒雜類猶多略列如上故云乃至戒為伏斷
之因故云第一清淨者竟序文

佛告下第二正說為二初明十重次明四十
八輕初為三初舉數勸持次別釋三結勸初
文又四初舉數次若受下誠勸誦文初明不
誦有損關於慈悲弘誓云非菩薩身口離文
識心踈野思修佛性覺悟情乖但緣六道為
懷故云非佛種子我亦如是等者舉果勸因
也三一切下舉例勸學三四已略下結說勸
持第二別釋十重為十
初殺人戒菩薩萬行慈悲為本視衆生猶如
父母六道輪轉互不相知故下文云而殺而

食者即殺我父母傷慈之甚是故先制所言
殺者斷彼命也從識初託訖于老死斷彼連
持相續之命並名為殺通緣有二一稟菩薩
律儀二住自性非顛狂等此通諸戒故名通
緣下不復出別緣具四一是人二人想三有
殺心四命斷便犯闕緣結輕一一戒中通具
三意初制止惡次制行善三舉過結犯初文
又三初標人列於殺事次因下列成殺業三
乃至下舉輕沉重初言若佛子者通指之辭
謂發發菩提心受菩薩戒從佛法生通名佛

子若自殺下列殺事五句不同初自殺有二
一殺自身二殺他身殺自身有三義一惡心
自殺二獸身自殺並違聖教俱結輕垢故經
云說身無常不說獸離於身也三為生為道
亡身濟物如薩埵王子等是故下文令捨身
命等則得福無犯二自殺佗具緣犯夷次教
他殺者教他殺人彼人未死能教前死亦犯
重罪何以故戒無盡故不同小乘順權文說
命終戒失結方便蘭三方便讚歎殺者見他
正殺歎其德也一讚能殺之人二讚所殺之

法如律中云用此惡活為等名方便讚歎殺
四見作隨喜者約於已殺隨喜之也若見若
聞皆隨喜故五乃至呪殺者殺相猶多刀杖
坑穿藥毒等類咒殺希故越却多種而云乃
至如咒咀人令其命斷等次列成殺業中四
句不同自有殺心為因刀杖等為緣造趣方
便為法以殺為務名業三舉輕沉重故云乃
至有命者故知除人之外並犯輕垢下文雖
無別條義推應尔如制春夏放火非護生草
木及護損傷物命但結輕次是菩薩下制令

行善言常住慈悲心者無緣慈悲與理相稱
體同法界實相故名為常住三而反下舉過
結犯言波羅夷者此云他勝處緣理持戒當
感聖果名為佛事即自勝處毀禁墮獄名為
魔事即他勝處

第二不與取戒非理侵奪失命損道莫不因
茲此之一條實德人之未免故次制也別具
四緣一盜有主五錢已上之物若盜已物不
成重也二有主想主有盜心四舉離本處便
犯闕緣犯輕就文亦三初制令止惡次而善

薩下制令行善三而反下舉過結犯初文爲
三初標名列於盜事次列成盜業三乃至下
舉輕沉重初文言自盜者自盜人五錢已上
物也教人盜者設不潤身損境過深並結重
也方便盜者或因寄附或因市易以短換長
以僱易細但有盜心損五錢已上並結重也
咒術取物名爲咒盜次文盜因者自心爲因
外助爲緣施功造趣爲盜法常思盜事爲務
名盜業第三舉輕沉重鬼神爲主不擲籌從
乞劫賊之物此心未斷一針一草五錢已下

並犯輕垢故舉爲況次制令行善中佛性等
者緣飾性理順佛教法同體慈悲以之爲本
助成隨喜一切之人令生五度之福智慧之
樂故云應生等三舉過結犯如文
第三行非梵行戒大論云婬欲雖不惱他衆
生心心繫縛私情逸蕩因果輪迴漂溺愛河
流轉五道莫不由此故次制重別具四緣一
是有情男女二有婬心三與方便四與境合
便犯闕緣犯輕就文亦三初標名制令止惡
次制令行善三而反下舉過結犯初又三初

明所犯之事次明成業三乃至下舉人女等
為況初言自姪者一自姪自如軟者亦犯
重也二自姪他具緣犯重教人姪者樂不及
身但得輕垢與聲聞同一切女人等者除狂
迷也次文言因緣等者染心思惟為因邪想
嚴飾為緣姿則軌儀為法念念趣成前事為
業第三非人女等況中言鬼神女者多自心
中請彼現身行非梵行及男二女二名為非
道並得重罪自餘故漏等皆結輕垢次而菩
薩下制令行善言淨法者起佛性觀體離三

惑自行化他故云淨法與人三舉過結犯中
言六親者六人之親也一父之親謂祖父母
及姑叔等二母之親即姨孀等三已之親即
父母兄弟及本時妻子等四妻之親即妻如
妹等五男女之親謂新婦等六兄弟之親所
謂姨等此有二義一染心於彼一境即生他
一切人染心不擇六親等故云反起起即生
也二自於一切起非梵行不擇畜生六親等
境為他起惡之因故云反起一切等此即穢
法與人令他起穢乖上淨法與人令他斷惡

故云反更而結過也

第四大妄語戒未得謂得誦聖誑凡感動時俗枉招名利故得重罪別具五緣一是衆生二對有情想三起欺誑心四說過人法五前人領解便犯闕緣結輕就文爲三初標名制令止惡次制令行善三舉過結犯初文亦三初明犯事次明成業三舉輕沉重初言自妄語者若言得四果八人見地已上乃至六根清淨初住已上次位得重若說得五停念處爛頂忍卅第一乾慧地諸方便位旣是凡法

但犯輕垢二教人者教人說得聖之法名利屬他但犯輕垢若教他說已爲聖犯重方便妄語者假詫異事令他生於聖人之解如云我今日不入初地定等故云方便次文中內起誑心爲因外希名利爲緣巧設方便爲法常懷此事爲業三乃至下舉輕沉重即小妄語如云誰得不淨觀於衆中起名身妄語暗問不聲名身妄語明問無對名心妄語不說得聖並結輕垢次制令行善中言正語正見者以中道心如事如想知見自行勸他故

云常生及亦生等三舉過緣犯非正名邪通
於大小妄語今從大妄大邪故結犯也

第五酤酒戒酤是貨賣之名酒是昏醉之藥
酒有三十六失放逸之門故制重也別具四
緣一是真酒二真酒想三作酤意四授與前
人便犯闕緣犯輕就文亦三初標名制令止
惡次制令行善三舉過結犯初文亦三初明
犯事二明成業三舉輕沉重初自酤可知教
人者教人爲已酤犯重教人自酤犯輕次成
業中自營米麵等爲因外具度等爲緣調停

方便名法常酤爲事名業三一切下舉輕況
重穀藥草木和合所成非真麵米但似於酒
酤得輕垢尚不得酤況真酒耶次而菩薩下
制令行善明達慧者實相般若也三而反下
舉過結犯可知

第六說四衆名德犯過戒菩薩運懷弘護三
寶掩惡揚善何容說過塵黷信心乖利他行
故制犯重別具七緣一說菩薩聲聞四衆中
上名德重罪二作彼想三以惡心作說過意
四對外人五作外人想六言章了了七前人

領解便犯闕緣犯輕就文亦三初標名制令
止惡次而菩薩下制令行善三而菩薩下舉
過結犯初又二初明犯事二明成業初文自
說教他並結重罪損境同故十輪經云占蔔
華雖萎猶勝諸餘華破戒諸比丘猶勝於外
道故瓔珞經云有犯者名菩薩無犯者名外
道所以縱犯猶不可輕次文內心爲因說彼
罪境爲緣施設軌則爲法務在說人爲業次
制令行善中言外道者除七衆外並名外道
外道即惡人也二乘惡人者厭苦集諦而修

道滅獨出生死名聲聞乘觀十二因緣若逆
若順意求出苦利他心劣名緣覺乘此心即
惡名爲惡人不信大乘言非法律必當墮苦
故令悲心說大生信悲能拔苦故也三結如
文

第七自讚毀他戒自讚已功抑他盛德損物
之甚故制重罪別具五緣一是受戒有德之
境同上初緣二作彼想三讚毀雙具四惡心
對人讚毀五前人領解便犯闕緣犯輕就文
亦三初標名制令止惡二制令行善三舉過

結犯初又二初明犯事自作教他俱得重罪
次明成業內心貪慢爲因嫉他爲利名緣巧
設方便爲法以此爲務名業而菩薩下制令
行善三若自下結犯並如文

第八故慳加毀戒菩薩攝生施爲萬行之首
豈更鄙恠加復毀辱故制重罪別具六緣一
是上中之境二自有財法三有二想四廣加
惡心毀辱打罵五前人領解六令他空反便
犯闕緣犯輕就文爲三初標名制令止惡二
制令行善三舉過結犯初又二初明犯事自

慳教他並具上緣方結重罪次明成業中慳
心爲因財法爲緣護封緘爲法務在鄙恠
爲業次而菩薩下制令行善之於財法俱爲
貧我行未深何能傾捨隨心所與善言慰謝
即不犯也三而菩薩下舉過結犯言句偈者
句舉能詮之少分偈據教中之義全如如來
妙色身乃至是故我歸依歎佛三身具足一
微塵法者舉一善言以爲況也
第九嗔心不受懺謝戒夫爲菩薩忍辱爲懷
而反嗔毒蘊積內心傷慈損道劫功德賊無

過嗔恚今法微恨當為大怨故制重罪別具
六緣一有所對上中之境二生所對想三嗔
心不息四前人懺謝五示不受想六前人領
解便犯闕緣犯輕就文亦三初標名制令止
惡次制令行善三舉過結犯初亦二初明犯
事自嗔教他具緣俱重次明成業中內心為
因前境為緣蘊結軌儀為法以嗔為務名業
次而菩薩下制令行善如文三而反下舉過
結犯乃至於非般生者謂嗔無情也如人嗔
心撲打生活乃至木石打著脚手於彼起嗔

並非衆生此舉輕垢為沉以惡口等者正結
過也



第十助謗三寶戒勝德可珍名之為寶非理
塵黷故稱為謗別具六緣一對衆助謗二是
大乘一體及別相三寶三起上二想四有謗
心五言說多多六前人領解便犯闕緣犯輕
就文亦三初標名令止惡次令行善三沉口
下舉過結犯初文亦二初明犯事自謗教人
俱結重罪次明成業內心因邪見等為緣巧
設虛假為法此心為法務名業次而菩薩下

制令行善中言外道者遊心圓理之外心至
外外三宗並名外道一言謗佛常應痛念故
喻鋒刺鋒者兵器也長於二丈用建兵車三
結犯如文善學下第三結勸又三初舉所持
之法二誠勸三指廣三文各二初文二者初
摠舉人言善學者歎美之辭也次是菩薩下
舉法因中說果故云木又木又者解脫也次
應當下誠勸二者初勸學持次若有下舉失
顯持初言微塵者如俗中云臣於國無塵露
之功涅槃經如護淨囊微塵不犯此舉極小

以之爲況次舉失中又二初明現失十利次
明當報三途初文者違本弘誓不悔不失法
菩提心息故言不得現前發菩提心粟散國
王及轉輪王由戒爲因因失果亡故云亦失
等比丘及尼等既失於戒報入三惡豈得爲
人證於次位故云亦失比丘比丘尼等十發
趣等者列失次位前四是因佛性常住妙果
者妙覺之果也佛性常住亘於始終今對極
位謂佛性常住家果故云妙果亦如仁王不
同等覺次明墮三惡中毀禁不同故報以三

惡聞法奢泥也父母慈育恩深三寶救護之
極可恃可怕既不聞名恃怙無地故偏舉也
劫者時也成住壞空各二十增減一箇增減
爲一小劫二十增減爲一中劫八十增減爲
一大劫云以是等者結勸三等下指廣二者
初勸學次指廣本此經廣本有八萬威儀品
也

天台菩薩戒疏



天台菩薩戒疏 WA8-8

01-047

国立国会図書館

